



太平御覽


四十一



内閣文庫			
番號	漢	1842	
冊數	240 (41)		
函號	列	14	1








太平御覽卷第九十一

皇王部十六



後漢顯宗孝明皇帝

肅宗孝章皇帝

穆宗孝和皇帝

孝殤皇帝

恭宗孝安皇帝

少帝比鄉侯

顯宗孝明皇帝

東觀漢記曰孝明皇帝諱陽一名莊世祖之中子也母光烈皇后初讓尊位為貴人故帝十二以皇子立為東海公三歲爵為王幼而聰明獻智容貌莊嚴世祖異焉數問以

政議應對敏達謀謨甚深溫公好學敬愛師傅所以承事
兄弟親密九族內外周洽世祖應玆上德以為宜承先序
建武十七年十月廢郭皇后陰貴人為皇后以上為皇后
太子治尚書備師法兼通九經畧奉大義博觀群書以助
術學無所不照中平二年二月世祖崩皇后太子即位永
平二年二月初臨群擁行射禮十月上幸群雍初行養禮
甲子上幸長安祠高廟遂有事十一陵歷覽館舍邑居旧
處會郡縣吏勞賜作樂三年十月上與皇太后幸南陽章
陵周觀舊廬召見陰鄧故人上在于道所幸見吏勞賜省

事畢步觀行部署不用輦甲夜讀衆書乙夜盡乃寐先鼓
起超率常如此五年十月上幸鄴微趙王會鄴賜錢百萬
八年十月上臨辟雍養三老五更禮畢上手書赦令尚書
僕射待詔三公十年閏月行幸南陽祠章陵以日至復
祠於旧宅禮畢召校官弟子作雅樂奏鹿鳴上自御填篋
和之以娛嘉賓至頃勞饗三老官屬是時天下安平人無
徭役歲比登稔百姓殷富粟斛三十牛被野十三年二月
上耕藉田畢賜觀者有一諸生前牽手曰善哉文王之遇
太公也尚書板曰生非太公予亦非文王也十五年二月

東巡狩三月幸孔子宅祠孔子及七十子御講堂命太子諸生說經幸東平王宮上憐廣陵侯兄弟賜以馭之物又聖皇子興馬悉賦予之十七年春甘露仍降樹枝內附芝生前歿神雀五色朔集京師是夜上夢見先帝太后夢中喜覺因悲不能寐明旦上陵百官胡客悉會太常丞上言陵樹華有甘露上令百官採甘露受賜畢罷上從席前伏御伏觀太后鏡奩中物流涕勅賜奩中脂澤粧具自帝即位尊奉建武之政有加而無損初世祖閱傷前世權臣太盛外戚豫政漢家中興唯宣帝取法至於建武朝無權

臣外族陰郭之家不遇九卿親屬勢位不能及許史王氏之半至永平后妃外家貴者裁家一之備列將校尉在兵馬官克奉宿衛闔門而已無封侯豫朝政者自皇子之封皆減舊制諸王皆當略與楚淮陽相比什減三四日我子不當與先帝子等又因遠而小於王善節約謙儉如此八月帝崩于東宮前殿在位十八年時年四十八謚曰孝明皇帝舞頭鄴陵十二月有司奏上尊號曰顯宗廟于世宗廟同日而祠祫祭於世祖之堂共進武德之葬如孝文皇帝祫祭高廟故事孝明皇帝尤垂意於經學即位刪定擬

議稽合圖識封師太常桓榮為閔內侯親自制作五行章
句每饗射禮畢正坐自講諸儒並聽四方欣欣是時李者
允盛官帶縉紳遊辟雍而觀化者以億計 又曰建武四
年五月甲申皇子陽生豐下銳上顏赤色有似於堯上曰
赤色名之曰陽至十三年逼春秋上循其頭曰吳季子陽
對曰愚戇無比及阿乳母以問師傳曰少推誠對師傳無
以易其辭

華嶠後漢書明帝性褊察嘗以事怒郎樂崧以杖撞崧崧
走入牀下上怒甚疾言曰郎出郎出崧曰天子穆穆諸侯
皇皇未問人君自起撞郎上乃赦之

又曰世祖既以吏事自嬰帝允任文法恣攬威柄權不借
下值天下初定四民樂業戶口衣食滋植斷獄号居前世
之十二中興已來追縱宣帝夫以鍾離意之廉法諫諍懇
以寬和為首以此推之斯亦難以德言者也

薛瑩漢記贊曰明帝自在諸宮而聽久之德著矣及臨萬
機約身率禮恭奉遺業一以貫之雖夏啓周成繼体持克
無以加焉是以海內又安四夷賓服斷獄希少有活平之
風號曰顯宗不亦當乎

潛夫論曰明帝時公車以及吏已不受奏章帝聞而恠曰
民瘠農遠來詣闕而復拘以禁忘豈為政之意乎於是遂
蠲其制

後漢書曰明帝尊奉建武制度無違者後宮之家不得封
侯与政館陶公主光武之女為子求即不許是賜錢千萬貫謂

群臣曰即官上用列宿出宰百里非其人則人受其殃是
以難之故吏稱其官民安其業遠近肅服戶口滋植焉

後漢書曰帝善理刑法令分明晏坐朝幽枉必達内外無
倖曲之私在上無矜大之色斷獄得情号居前世之十二

故後之言事者莫不先建武永平之政然而鍾離意宋均
之徒常以察慧為言夫豈弘人之度未優乎

肅宗孝章皇帝

東觀漢記曰孝章皇帝諱烜孝明皇帝太子永平三年二
月以皇子立為太子年四歲幼而聰達才敏多識世事動
容進正聖表有異壯而仁明謙恕溫慈惠和寬裕廣博親
愛九族矜嚴方厲威而不猛既志於學始治尚書遂兼五
經周覽古今無不觀由是上敬重之每事諮言永平十八
年孝明皇帝崩帝即位

范曄後漢書曰畢帝建初元年詔有司明選奉進柔良退
貪猾順時令理寃獄又詔以上林池禦田賦予貧人四年
詔曰蓋三代尊人教學為本漢承暴秦褒顯儒術建立五
經為置博士其後學者精進雖曰承師亦別名家孝宣帝
以為去聖久遠學不厭博故遂立大小夏侯尚書又立京
氏易至建武中復至嚴氏顏氏春秋大小戴禮博士此皆
所以扶進微學廣道藝也孔子曰博學而篤志功問而近
思仁在其中矣於是下夫常將大夫博士議郎郎官及諸
儒會白虎觀議講五經同異使五官中郎魏應承制問侍

中淳于恭奏帝親稱制臨決如孝宣甘露石渠故事作白

虎議奏

今日虎通也

元和二年正月詔曰人有垂子者復勿筭

三歲令諸懷妊者賜胎養穀三斛復其夫勿筭一歲著以
為令又詔三公方春生萬物莩甲宜助萌湯以育時物其
令有司罪非殊死勿案驗章和元年八月南巡狩幸梁祠
沛高原廟豐粉二榆社二年正月帝崩以章德前殿在位
十二年時年三十一遺詔無起寢廟一如先帝法制葬敬
陵廟曰肅宗論曰魏文稱明帝察察章帝長者帝素知人
獸明帝苛切事從寬厚除恠獄之科著胎養之令奉承明

德太后盡心孝道割裂名親以崇建周親平徭簡賦而人
賴其慶又体之以忠貞文之以禮樂藩輔克諧群后德讓
謂之長者不亦宜乎

東觀漢記序曰孝乎惟孝友于兄弟聖之至要也軋軋夕
陽寅畏皇天帝王之上行也明德慎罰湯文所務也密靜
天下客於小大高崇之極致也肅宗兼茲四德以繼祖考
臣下百僚力誦聖德記述明詔不能辦章豈敢空信增廣
以累日月之光

袁山松後漢書曰孝章皇帝弘俗有餘明斷不足閨房纒

惑外戚擅寵惜乎若明章二主損有餘而補足則古之覽
君矣

薛瑩漢記贊章帝以繼世承平天下無事敬奉神明友兄
弟息省徭賦綏靜兆民除苛法蠲禁錮抑有仁賢之風矣
是以陰陽協和而百姓安樂衆瑞並集不可勝載考之圖
籍有微云爾

帝王世紀曰孝章皇帝以中元三年生於京師其母姓秘
不出號其墓曰長信冢

三輔法錄注曰何敞字文高為汝南太守章帝南巡過都

有刻鏤屏風為帝張說詔命侍中黃香銘之曰古典務農
雕鏤傷民忠在竭節義在修身敬懼禮賢命士改修德化

穆宗孝和皇帝

東觀漢記曰孝和皇帝諱啓章帝之仲子也母曰梁貴人
早薨上自岷嶷至于總角孝順聰明寬和篤人孝章猶是
深珍之以為宜承天位年四歲以皇子立為太子初治尚
書遂兼覽書傳好古樂道無所不照章和二年春二月章
帝崩太子即位永年二年春正月帝加元服四年六月大
將軍竇憲潛圖弑逆幸北宮詔收捕憲黨使謁者收憲大

將軍印綬遣憲及弟篤景就國到皆自殺五年正月宗紀
五帝於明堂遂靈臺望雲物大赦天下自京師離宮果園
上林廣成囿悉以假平人恣得收捕不收其稅十二年春
正月上日以五經異義書傳意殊親幸東觀覽書林閱篇
籍朝無寵族政如砥矢惠澤沾濡鴻恩茂篤外憂廢績內
勤經藝自左右近臣皆誦詩書德教在寬仁恕並洽是以
黎元寧康方國協和貞符瑞應八千余品帝讓而不宣故
靡得而記元興元年十二月帝崩于章德前殿在位十七
年時年二十七葬順陵廟曰穆宗

東觀漢紀序曰穆宗之嗣世正身履道以奉大業賓禮耆
艾動式旧典宮無嬪嬙鄭衛之讌囿無槃樂遊畋之豫躬
獲德玄虛靜自損是以屢獲豐年遠近承風云爾
後漢書曰自竇憲誅後帝躬親萬机每有災異輒延問公
卿極言得失旧南海獻龍眼荔枝十里一置五里一堆奔
聖險阻死者相繼時臨武長汝南唐羌縣接南海乃上書
陳狀帝下詔曰遠國珍羞本以薦奉宗廟苟有傷害豈愛
人之本其勅令太官勿復受獻由是遂省

續漢書曰孝和年十四能折外戚驕橫之權即昭帝薨上
官之類矣朝政遂一民安職業懃恤本務苑囿希幸遠夷
稽服西域開泰郡國言符瑞八千余品咸懼虛妄抑而不
宣云爾

范曄後漢書曰自中興已後逮于永元雖頗有施張而俱
存不優而以威民歲增關土世廣偏師出漢則塞北地空
都護西指則通驛四方豈其道遠三代術長前世將服叛
懷未自有數也

孝殤皇帝

東觀漢記曰孝殤皇帝諱隆和帝之少子也和帝皇子數

十生者輒夭故殤帝養於民元興元年十二月和帝崩是
曰倉卒殤帝時生百余日乃立以為皇太子其夜即位尊
皇后鄧氏為皇太后帝在襁褓太后臨朝廷平元年八月
帝崩于崇德前殿年二歲葬康陵
又曰孝殤襁褓承統寢疾不豫天命早崩國祚中絕社稷
無主天下熬然賴皇太后孔子稱有婦人焉信哉

恭宗孝安皇帝

東觀漢記曰孝安皇帝諱祐清河孝王第二子也少聰明
敏達慈仁惠和寬容博愛好樂施予自在邸第數有神光

赤虵嘉應照躍於室內盤紆殿屋牀第之間孝王常異之
年十歲善史書嬉經籍和帝甚喜重焉号曰諸生數燕見
在中特加賞賜下及玩弄之物諸王莫得与比殤帝即位
鄧后臨朝以帝幼小昭留於清河邸欲為儲副殤帝崩以
王青盃迎齊中殿拜為長安侯乃即帝位謙讓恪勤孜孜
經李恂供養委政長樂宮永初元年十一月始講尚書耽
於典藝二年春正月帝加元服延服四年三月帝崩于葉
縣在位十九年時年三十二御車所止飲食百官鼓漏起
居車騎鹵簿如故乃還宮皇后興元顯中常侍江京樊豐

等供興詐為不欲令群臣止上道崩欲偽道得病遣司徒
等其夕祭喪群寮百姓如喪考妣塞外蠻夷致祭涕泣葬
恭陵

范曄後漢書論曰孝安皇帝雖稱尊享御而權歸鄧氏至
損徹膳服克念治道然令自房帷威不逮遠始失根統歸
成陵弊遂復計金授官移民逃寇推咎台衡以答天青既
云哲歸亦推家之索矣

薛莹漢書贊曰安帝之初委政太后十有餘年及親萬機
佞邪進闔官用事寵加私愛阿每王聖勢傾朝廷遂樹姦
黨搖動儲副山陵未范蕭牆作難兵交禁省社稷殆危曰
安帝永初元年以災故免司空尹勳凡以災冠故輒免三
公多以卿為之或再三退而還其故桓靈又其自此始也

少帝北鄉侯

續漢書曰安帝崩太子前廢後無餘子皇后與兄閻顯謀
以北鄉侯續為帝嗣三月立北鄉侯皇太后臨朝十月辛
亥北鄉侯薨顯及江京等微濟北河間王子款以為嗣黃
門孫程王康等十九人共討京等迎立濟陰王

皇德傳曰安帝崩侯即尊位十月北鄉侯薨以王禮葬未

即帝位不成君故以王禮葬

太平御覽卷第九十一

太平御覽卷第九十二

皇王部十七

後漢敬宗孝順皇帝

孝冲皇帝

孝質皇帝

威宗孝桓皇帝

孝靈皇帝

廢帝弘農王

孝獻皇帝

敬宗孝順皇帝

東觀漢記曰孝順皇帝諱保孝安長子也母早薨追謚恭愍皇后幼有簡厚之質體有敦懿之性寬仁溫惠始入小

學誦孝經章句和熹皇后甚嘉之以為冥奉大統六歲永寧元年為皇太子受業尚書兼資敏達幼乳母王男厨監邴吉為大長秋江京中常侍樊豐等所讚愬京懼有後害遂共稱太子太子坐麻為濟陰王安帝崩北鄉侯即尊位王麻絀不得上殿臨棺而悲哀泣血不下食粥北鄉侯薨車騎闕頭等議前不用濟陰王今用怨入白闕太后復徵諸王子閉門麻兵中黃門孫程等十九人共討賊臣以迎濟陰王於德陽殿西鍾下即皇帝位漢安元年八月遣侍中杜喬光祿大夫周舉等八十分行周郡頒宣風化舉實否建康元年八月帝崩于玉堂前殿在位十九年時年十三遺詔無起寢廟衣以故服珠玉玩好皆不得下務為節約葬憲陵廟曰敬宗

續漢書曰帝為太子四歲避疾嘗阿母王聖弟新治乳母王男厨監邴吉以為犯玉土忌不可御于江京樊豐及聖二女永等相是非聖永誣讚男吉皆物故太子思忞男等數為之歎息聖永俱有後害遂于京豐等共構太子坐麻為王

孝冲皇帝

東觀漢記曰孝冲皇帝諱桓順帝之少子也年三歲是時皇太子數不幸國副未定有司上言冥建聖嗣建康元年四月立為太子順帝崩太子即位尊皇后梁氏為皇太后帝幼約太后臨朝永嘉元年正月帝崩于玉堂前殿在位一年葬懷陵

帝王世記曰孝冲皇帝即位一年年三歲

孝質皇帝

東觀漢記曰孝質皇帝諱續章帝玄孫千乘貞王之尊孫也樂安王孫渤海王子也年八歲茂質純淑好學尊師有

牽於郡國孝冲帝崩封徵建平侯即皇帝本初元年閏六月帝崩于玉堂前殿在位一年時方九歲葬靜陵

漢晉春秋曰帝初年幼聞梁冀專雄於天下每朝出輒自之曰此拔扈將軍冀聞而大惧遂陰行鵠毒始病呼太尉李固入固前問病帝曰食煮餅今腸中悶得水尚可活冀曰不可語未絕而崩

威宗孝桓皇帝

東觀漢紀曰孝桓皇帝諱志章帝曾孫河間孝王孫蠡五侯翼之長子也母曰匡夫人十四襲爵始入有殊於人梁

太后欲以女弟妃之太初元年四月徵詣維陽既至未及
成禮會質帝崩無嗣太后察使瞻察威儀才以任奉宗廟
遂允與翼定策於禁中迎帝即位時年十五改元建和元
年大將軍翼輔政縱橫為亂帝與中常侍單超等五人共
謀誅之於是對超等為五侯慕容曰甚毒流天下白馬令
李云坐直諫誅名臣少府李膺等並為闕人所讚誣為黨
人下獄死位二十一年崩三十六

薛莹漢紀曰漢得之哀有自來災而橫帝繼之以淫暴封
殖官堅群妖滿側姦黨弥興賢良被辜政荒民散亡徵漸
積逮至灵帝遂傾四海豈不痛哉左傳曰困於天地有子
立焉不數世淫不能弊也信矣

孝靈皇帝

續漢書曰孝靈皇帝諱宏章帝玄孫河間孝王曾孫解讀
亭侯淑之孫萇之子也母曰董姬萇薨上襲爵為侯永建
元年十二月桓帝崩先是數有皇子友昏不遂太后興父
靈武定策禁中建寧元年正月徵到止夏門亭以王青蓋
車迎入皇位坐太后臨朝四年正月帝加元服光和元年
初置鴻都門生本頗以經學相引後請能為尺牘亂賦及

以玉書鳥篆相課試至千人皆尺一勅州郡三公奉用辟
召或典州郡入為尚書侍中封侯賜爵四年於後宮于宮
人為列四販賣使相偷盜聞爭上臨視以為樂又於西園
令狗帶授著進賢冠中平元年初賣官自關內侯以下至
虎賁於林入錢各有差二年收天下田畝十錢以治宮殿
莽太原河東豫道林木黃門常侍斷截州郡送材文石掌
正史譴呼不中退賣之貴戚因緣賤買十倍入官其貴戚
所入者然後得中宮室連年不成州郡因曾加調莽刺史
二千石遷除皆助責治宮錢大郡至二千萬諸詔所徵皆

今西園騶約勅号曰中使恐動州郡多受財賂天下騷動
起為盜賊矣是歲又於西園造萬金臺以為私藏別司農
金錢繒帛積之於中又還河間置田業起第觀上本侯家
居貧即位常曰桓帝不能作家家曾無私錢故為私藏復
寄小黃門常侍家錢至數千萬又云張常侍是我翁趙常
侍是我母由是宦官專朝日盛奢僭無度各起第宅擬到
宮室上嘗登永安侯臺黃門常侍惡其登高臺見屈處樓
殿乃使中大夫尚坦諫曰天子不當登高登高則百姓虛
自後遂不復登臺榭矣四年又募買關內侯假金紫入錢

五百萬六年四月帝崩于嘉德殿在位二十二年時年三
十四葬文陵

續漢書五行志曰靈帝好胡服帳胡床胡飯胡笙篳篥胡
舞京都貴戚皆競為之其後董卓專權胡兵虜掠夜奔掘
園陵帝又於宮中西園駕四白驢躬自操轡馳周旋以
為大樂於是公卿貴戚轉相倣效至相謀奪驢價于馬齊
獻帝春秋曰初黃巾賊起靈帝建九重華蓋自珎無上將
軍身披介冑講兵京城先是造作角錢猶五銖而有四道
連於籩輪百姓各有識者以為妖徵竊言新錢有四道京
城將壞而此錢四出散于四方之外乎遂皆如言

薛瑩漢紀替曰漢氏中興至於延平而世業損矣冲質短
祚孝桓無嗣母后稱制奸臣執政孝靈以支庶而登至尊
由藩侯而詔皇統不恤宗緒不祇天命上虧三光之明下
傷億兆之望于時爵服橫流官以賄成自公侯卿士降於
皂隸遷官襲級無不以賀刑戮無辜權賢仆忠佞諛在側
直言不聞是賢智退而窮處忠良擯於下位遂至奸邪蜂
起奔防隳壞夷狄並侵盜賊糜沸小者大城邑大者連州
郡編戶騷動人人思亂當斯之時矣無天子矣會靈帝即

帝則禍尋其後宮室為墟海內蕭條豈不痛哉
典略曰建寧二年帝時年十三歲宦官用事排疾士人熹
平四年五月帝自造皇義五十五章光和五年帝幸太學自
就碑作賦

廢帝弘農王

獻帝春秋曰孝灵皇帝何皇后生太子辯帝數失子不敢
正名養于道人史子眇家号曰史侯

後漢書曰中平六年四月丙辰灵帝崩于南宮嘉德殿戊
午皇子辯即皇帝位年十七太后臨朝八月中常侍段珪

等殺大將軍何進於是虎賁即將袁術燒西東宮政諸官
者庚午張讓段珪等劫少帝及陳留王幸北宮司隸校尉
袁紹勒兵收為司隸校尉樊陵及諸閹人無少長皆斬之
讓珪等復劫少帝陳留王走小平津尚書盧植追讓珪等
斬之其餘投河而死帝与陳留王協夜步逐熒光行數里
得民家露車共乘之還宮九月董卓廢帝為弘農王
英雄記曰董卓在显陽苑請官寮共議欲有廢立為袁紹
曰刘氏之種不足復遺袁紹曰漢君家天下四百許年恩
澤深渥兆民戴之恐衆不從公議卓曰天下之事豈不在

我我今為之誰不敢從紹曰天下健者不唯董公紹請立
觀之橫刀長揖而去坐中皆驚愕時紹親至見紹大家故
不敢害之卓於是遂策麻皇太后遷之永安宮其夜崩麻
皇帝史侯為弘農王立陳留王為皇帝卓聞東方州郡謀
欲奉兵恐其以弘農王為主乃置王閣上荐之以棘召王
太傅責問曰弘農王病因何故不白遂遣兵迫守太醫致
藥即日弘農王及妃唐氏皆薨

袁山松後漢書曰董卓使弘農郎中令李儒進鴆於弘農
曰服此辟惡王曰此必是毒也弗肯強之於是王与唐妃

及宮人共飲酒王自歌曰

天道易兮我何艰棄萬乘兮退守藩逆臣見迫兮命不延
遊將棄尔兮適幽玄唐姬起而舞歌曰

皇天崩兮后土頽身為帝王兮命夭摧死生路畢兮從此
乖悼我煢獨兮中心哀因泣下坐者虛歛不自勝王謂唐
姬曰卿故王者妃勢不復為吏民妻也行以自愛從此長
亂遂鴆死

孝獻皇帝

續漢書曰孝獻皇帝諱協靈帝少子也母曰王美人何皇

后妬而害之靈帝母永樂太后董氏收養焉故號董后中
平六年四月靈帝崩太子辯即尊位年幼皇太后詔封上
為渤海王七月徙封陳留王七月董卓廢天子立陳留王
是也即皇帝位年九歲董卓秉政初平元年二月天子自
洛陽遷都長安興平元年正月帝加元服二年十月上自
長安東遷建安元年七月至洛陽八月上自洛陽遷都於
許二十五年十月上禪位於魏上王即帝位封上為山陽
公青龍二年三月薨以天子禮葬禪陵

獻帝春秋曰袁紹將兵入宮誅諸黃門張讓等逼迫以尺

一紹門大夏門將帝及陳留王出不知所如有螢火照道
到盟津河上傳國六璽不及自隨百僚分散唯河南中部
掾閔貢見天子出率騎追之北曉到河上天子饑渴貢宰
羊進之厲聲謂上曰今不速死吾射殺汝讓等惶怖叉手
再拜叩頭向天子亂曰臣等死陛下自愛遂投河而死貢
扶輦還宮時董卓適至屯頭陽苑聞帝當至率兵迎帝於
北邙帝見卓兵振不自矜群公曰有紹却兵卓曰卿為大
臣不能匡輔國朝至今幼主蒙塵播日何却兵之有遂俱
入城帝幸北宮改年號曰昭寧於閣上得六璽失傳國璽

又曰興平元年蝗虫起百姓饑餒一斛五六萬錢帝勅主
者盡賣厩馬二百余匹及御府雜繒二萬疋賜公卿已下
及貧車騎將軍李儼不聽盡取以置其邸李儼郭汜有僚
儼使兄子副車中即將李進勒兵数千統宮使虎賁王曹
等三百人以輅車三乘戴帝及伏后幸儼營又迎宮人公
卿家屬入塢移御府諸署繒綵珍室上方在厩車馬乘手
器物及置其邸放兵燒居府及居民被害者不可勝數五
月或欲轉乘輿幸黃白城帝不肯司徒趙溫以帝當歸東
而儼等方亂以忠節責儼儼怒欲斬溫儼從弟上軍校維

故溫掾請諫乃止於是問溫于帝同門說反閔校尉以監
察之十一月車駕東幸到黃卷亭庚午乘輿到弘農張濟
欲于董承楊奉交質而留乘輿承奉不肯向帝東行到澗
中濟郭汜放兵于留車駕承奉力戰乘輿得過公卿婦女
衣服悉見鈔奪不解帶便斫邠寒凍死者不可勝計天子
得過路次曹陽乘輿到安邑十二月侍使中史詩直里大
僕諱融奉詔詔張濟悉遣宮人公卿以下婦女及乘輿服
物車馬諸見畧者皆詣安邑建元年七月乘輿到洛幸城
西故中常侍趙忠舍百官被刑棘依故兵墟問侍郎以下

皆出莖采四方州郡各擁強兵莫有至者曹操白帝遷都
許庚申車駕出洛鞬轅而東楊奉韓暹引軍退之經騎既
至曹操說伏兵要於陽城夾中大販之九月車駕到許幸
曹操營設有司營宗廟社稷自帝西遷朝廷傾覆王制節
度於是始建

漢晉陽秋曰獻帝都許守位而已宿衛近侍莫非曹氏黨
旧恩戚議即趙彥嘗為帝陳言時策曹操而殺之其余內
外多見誅曹後以事入見殿中帝不任其忿因曰君能相
輔則厚不爾幸垂恩相捨操失色俛仰求出舊議一公輔

兵入朝令虎賁執刃挾之操顧左右汗流洽背自後不敢
復朝請

袁山松後漢書曰獻帝崎嶇危亂之間飄薄萬里之繹泮
流蓬轉嶮岨備經自古帝王未之有也觀其天性慈愛弱
而神惠若輔之以德貞守文令主也曹氏始於勤王終至
陷天遂力致群雄負昂而趨然因其制噐假而不及迴山
倒海遂移天田昔田常假陽武而殺君操因堯舜而竊國
所乘不同濟其盜賊之身一也善也莊生之言竊約者諸
竊國者為諸侯之門仁義在焉信矣

范曄後漢書曰傳稱昂之為器雖小而重故神之所室不可奪移至今負而趨者斯亦窮運之歸乎天馱漢德久矣山陽其何誅焉

太平御覽卷第九十二

太平御覽卷第九十三

皇王部十八

魏太祖武皇帝

文皇帝

魏太祖武皇帝

魏志曰太祖武皇帝沛國譙人姓曹名操字孟德漢相國

忝之後

曹瞞傳曰太祖一名吉利字何瞞也

祖騰漢桓帝時為中常侍大長

秋封費亭侯養子嵩嗣官至太尉莫能審其生出本末

曹瞞

傳及郭頌世與並云嵩夏侯氏子夏侯

郭之叔父太祖於惇為從兄弟也 嵩生太祖太祖少

機警有權數而任俠放蕩不治行業故世人未之奇也唯

梁國橋玄南陽何顓異焉玄謂太祖曰天下將亂非命世之才不能濟也能安之者其在君子年二十舉孝廉為郎除洛陽北部尉遷頓丘令徵拜議郎光和末黃中起拜騎都尉討潁川賊遷為濟南相國有十余縣長吏多阿附貴戚賊汙狼籍於是奏免其八九禁斷淫祀姦宄逃竄郡界整肅父之徵還為東郡太守不就稱疾歸鄉里初平元年春正月後將軍袁術冀州牧韓馥兖州刺史劉岱渤海太守袁紹齊北相鮑信等同時俱起衆各數萬推紹為盟主太祖行奪武將軍董卓聞兵起乃徙天子都長安卓留屯

洛陽遂焚宮室是時卓兵強紹等莫敢先進太祖曰舉義兵以誅暴亂大衆已合諸君何疑向使卓聞山東兵起倚王室之重據二周之險東向以臨天下雖以無道行之猶足為患今焚燒宮室劫遷天子海內震動不知所歸此天亡之時也一戰而天下定矣不可失也遂引西據城臯到滎陽汴水遇卓將徐榮于戰不利士卒死傷甚多太祖為流矢所中乘馬被瘡從弟洪以馬與太祖得去太祖兵少乃与夏侯惇等詣揚州募兵司徒王允与吕布共殺卓青州黃巾衆百余万人兖州劉岱欲擊之鮑信諫岱不從遂

于戰果為所殺信乃迎太祖領兗州牧遂進兵擊黃巾追
至濟北乞降各受降卒三十余万男女百余万口收其精
銳者號青州兵天子拜太祖兗州牧是歲長安乱天子東
遷敗於曹陽渡河安邑太祖軍臨武迎天子段太祖節鉞
錄尚書事獻帝記曰又洛陽殘破董昭等勸太祖都許車
駕出轅轅而東以為太祖大將軍封武平侯自天子西遷
朝廷離乱至是宗廟社稷制度始立時以袁紹為太尉紹
恥班在公下不肯受乃固辭以大將軍讓紹天子拜公司
空行車騎將軍公圍張繡於穰刘表遣兵救繡以絕軍後

公將引還繡兵來追公軍不得進連營稍前公于荀彧書
曰賊來追吾雖日行數里吾策之到安眾破繡必矣到安
眾繡與表兵合守險公軍前後受敵公乃夜鑿險為地道
悉過輜重設奇兵會明賊謂公為遁也悉軍來追乃縱奇
兵出來攻大破之公還許荀彧問公前何以策賊必破公
曰虜過吾歸師而于吾死地戰吾以是知勝矣袁紹既并
公孫瓚兼四州之地眾十余万諸將以為不可敵公曰吾
知紹之為人志大而智小色厲而膽薄忌刻而少威兵多
而分畫不明將多而政令不一土地雖廣糧食雖豐適所

以為吾奉也張繡率眾降公軍官渡劉備殺徐州刺史曹
冑率兵屯沛五年公自征備諸侯將曰子公爭天下者袁
紹也今棄之東若何公曰劉備人傑也今不擊必為後患
袁紹雖有大志而見事遲必不動也遂破備備奔紹紹遣
郭圓淳于瓊顏良等攻劉延於白馬紹引兵至黎陽公於
是救荀攸說公曰令兵少不敵分其勢乃可公從之遂擊
破斬良紹騎將文醜與劉備將五六千騎前後至公縱騎
兵擊大破之斬醜良醜良皆紹名將再戰悉擒紹軍大震
八月連營稍前進臨官渡起土上地道公亦於內作之以

相應紹射營中矢如雨下行者皆蒙楯眾大懼時公良少
與荀彧書議欲還許或以為紹悉眾貶官渡欲與公決勝
敗公以至弱當至強若能制必為所乘是天之大機也公
與紹相拒連月雖北戰斬將然眾少糧及士卒疲乏公謂
運者曰十五日為汝破紹不復勞汝矣冬十月紹遣車運
穀使淳于瓊等五人將兵萬余人逆之宿紹運營北四十
里紹謀臣許攸貪才紹不能足來奔因說擊瓊等左右疑
之荀攸賈詡勸公公乃留曹洪守自將步騎五千人夜往
會明至瓊等望見公兵少出陣門外公擊急之瓊退保營

遂攻之紹遣騎救瓊左右或言賊稍近請公兵矩之公怒
曰賊在背後乃白士卒皆誅死戰大破瓊等皆斬之紹初
文公擊瓊謂長子曰譚就破瓊等吾攻狀其營被固無所
歸矣乃使張郃高覽攻曹洪郃等聞瓊破遂來降紹衆大
潰及譚棄軍走泛河追之不及及收其輜重圖書真宝虜
其衆公收書紹中得許下及軍中人書皆文之紹自軍破
後發病漚血死小子尚代譚自號車騎將軍屯黎陽秋公
征之連戰譚尚數敗退固守攻其郭乃出戰擊大破之譚
尚夜遁譚尚淨冀州譚尚為所敗走保原尚攻之急譚遣

辛毗乞降請救諸將皆疑荀攸勸公許之公乃引軍到黎
陽為子整与譚結婚尚聞公北乃釋平原還鄴公進軍政
鄴尚懼乞降公不許為圍益急尚印綬節鉞鄴定公臨祠
暮哭之流涕尉勞紹妻還其家人寶物賜之雜繒絮廩食
之天子以公領冀州收公讓還兗州公家國鄴也譚略取
甘陵安平渤海河間尚敗還中山譚公之尚奔固安遂逆
其衆公遺譚書責以負約与之約婚女還然後進軍譚懼
拔平原走保南皮公入平原略定諸縣攻譚破之斬誅其
妻子冀州平原熙大將焦觸張南等叛攻熙尚熙尚奔三

都烏觸等奉其縣降封為列侯三郡烏凡承亂破幽州畧
有漢民合十余萬戶初袁紹皆立其酋西單于踰頰尤強
為強所厚故尚兄弟歸之數人塞為害公將征之鑿渠自
呼陀人孤水名平虜渠引軍出盧龍塞外道絕不通乃壅
山堙谷五百余里經曰擅歷平剛涉鮮卑庭東指柳城未
至二百里虜乃知之尚熙与踰頰遼西單于樓班右北平
單于能臣抵之等將数万騎逆軍登白狼山卒與虜遇衆
甚盛公車重在後被甲者少左右皆惧公登高望虜陣不
整乃縱兵擊之使張遼為先鋒虜大崩斬踰頰其名王以

下胡漢降者主万余口初遼太守公孫康恃遠不服及公
破丸或說公遂征之尚兄弟可擒也公曰吾方使康斬送
尚熙首不煩兵矣公引軍自柳城還康即斬尚熙及速僕
九等傳其首諸將或問公還而康斬送尚熙何也公曰彼
素畏尚等吾急之則并力緩之則自相圖其勢言也關中
諸將疑公欲自襲馬超遂与韓遂揚秋厚堪成宜等及公
乃征之与超夾關為君乃与剋曰會戰良先輕兵挑戰良
又乃縱虎騎來擊大破之斬成宜李堪等超走涼州揚秋
奔安定關中平天子命公瓚拜不名入朝不趨劍履上殿

加蕭何故事使御史大夫郗慮持節策命公為魏公始建
社稷宗廟天子聘公三女為貴人命公置旄頭宮殿設鍾
簾又命公承制封拜諸侯守相冬十月始置名號侯至五
大夫守舊列侯閔內族凡六等以賞軍功又進公爵為王
設天子旌旗出入稱警蹕王崩于洛陽時年六十六謚曰
武葬高陵

又曰漢桓帝時有黃星見於楚宋之分遼東商雋善天文
言後五十歲當有真人起於梁之沛聞其鋒不可至破衣
紹之歲凡九十年天下莫敵矣

魏書曰漢末太祖拒董卓命歸鄉里過故人成臯呂伯奢
伯奢不其子八人備賓之禮太祖自以背卓聞其食器聲
以為圖已夜殺八人而去既而歎曰寧我負人無人負我
又曰太祖自御海內芟夷郡醜其行軍用師大較依孫足
之法而因事設奇量敵制勝變化如神自作兵書十餘萬
言諸將征伐皆以新書從事臨時又手為節度從令者尅
捷違教者負敗于虜對陣意思安閑如欲戰然及至決機
乘勝氣勢盈溢故每戰必克知人善察難眩以偽拔于禁
樂進於行陣之間取張郃徐晃見於亡虜之中皆佑命立功

列於名將其余拔出細微登為牧等者不可勝數是以創
造大業文武並施御軍三十余年手不捨書晝則講軍策
夜則思經傳登高必賦乃造新書被之管絃皆成樂章才
力絕人手射飛鳥擒躬猛獸嘗於南皮一日射雉獲六十
三頭及造宮室善治器械無為之法則及其意雅性節儉
不好華麗後宮不依錦繡侍御履不二綵帷帳屏風墀列
補納茵蓐取溫無有緣飾攻城拔邑得靡麗之物則悉以
賜以勲勞冥賞不愆千金無功望施分毫不予四方獻御
予下共之常以禮送終之制襲稱之數繁而無益俗又過
之故豫自為制終云衣服四篋而已

帝王世紀曰黃初元年追尊號謚曰武皇帝廟號曰太祖
曹瞞傳曰操少好飛鷹走狗遊蕩無度其叔父數言之於
嵩操患之後逢叔父於路及傷敗而喞口叔父恠問其故
太祖曰卒中惡風叔父以告嵩亡愕呼操而口如故嵩問
曰叔父言如中風已羞乎操曰初不中風但失愛於叔父
故見岡耳嵩乃疑焉自後叔父有所告嵩終不服信操於
是益得四意及為洛陽北部尉初入尉解繕治四門造五
捧懸門左右各十余杖有犯禁者不問豪強皆棒殺後數

月靈帝愛幸小黄門蹇碩父叔行即殺之京師歛跡莫敢
犯者近習寵臣咸疾之然不能傷於是共稱薦操故遷為
頓丘令操為人輕易無威重好意樂倡優惻怛以日達少
被服輕綃身自佩小盤囊以盛手中細物時或冠袷帽以
見賓客每与人談論戲弄言辭及無所隱及大悅笑至此
頭投杯案中飾饜皆沾污巾幘其輕易如此然持法峻該
諸將計畫勝出已者隨以法誅之及故人旧惡亦皆無余
其所刑殺輒對之垂涕嗟痛之終無所活嘗出陣行經麥
中士卒無敗麥犯者死騎士皆下馬指麥以相付時操馬

入麥中勅主簿議罪對以春秋之義罰不加尊操曰制法
曰而自犯之何以師然孤為軍師不可殺請自刑因授刀
割髮以置地世語曰魏武將見匈奴自以刑陋不足雄遠
國使崔季珪代當自捉刀狀立頭坐既畢令問謂曰魏王
何如匈奴使答王權望非常然床頭捉刀人此乃英雄也
魏王聞之馳遣殺此使

博物志曰漢世安平崔瑗子寔弘農芝苴弟昶並善草書
而太祖亞焉桓譚蔡邕善音樂馮翊山子道王九貞郭凱
等善圍碁太祖皆与埒能又好養性法亦解方藥招引方

術之士廬江在慈譙群華他甘陵甘始陽城郝儉無不畢
至又習噉野葛至一尺亦得少多飲鴆酒

世說曰魏武帝嘗過娥碑不解揚修讀碑背上題云黃絹
幼女外孫壘舊魏武謂修曰解未可言待我思之行三十
里魏武曰吾已得令脩別記所如脩曰黃絹色絲也於字
為絕幼婦少女也於字為妙外孫女子也於字為好壘舊
受辛也於字為辭所為絕妙好辭武帝亦記之与脩言同
帝歎曰我才不如卿乃較三十里唐太宗皇帝祭魏武帝
文曰夫大德曰生資二心惡之還洛陽宮五月帝崩于嘉

福殿時年四十帝好文學以著述為務自所勤成垂百篇
又使諸儒撰集經傳隨類相從千餘篇號曰皇覽

魏書曰帝生時有雲氣青色而圓如車蓋當其上終日望
氣者以為至貴之證非人臣之氣年八歲能屬文有逸才
遂博貫古今經傳諸子百家之言善騎射好擊劍州奉茂
才不行又曰文帝初在東宮氣疫大起時人凋傷常深感
歎与素所嘉者大理王郎書曰人生有七尺之形死為一
棺之土唯立德揚名可以不朽其次莫如著篇籍疫厲數
起士人凋落余獨何人能全其壽故論撰所著論詩賦蓋

百余篇集諸儒於肅成內門請論大義侃侃無倦

吳志曰魏文帝出廣陵望大江曰彼有人焉未可圖也乃還

博物志曰魏文帝善彈碁能用手中角時有一書生又能低頭以所冠中撒碁

典論曰初平之无董卓弑帝鳩后盪覆王室時今年五歲上以世方擾亂教除李射六歲而知射教余棄馬八歲而能騎射矣以時之多難故每征伐余乘馬常從建安初上南征荊州至宛張繡降旬日而反亡无弟廉子脩從安无

民遇害時十余歲乘馬得脫夫文武之道各隨時而用生乎中平之季長於戎旅之間是以少好弓馬于今不衰逐禽輒十里馳射常百步日夕休倦心每不厭建安十年始定冀州穢貊獻良弓燕岱獻名馬時歲之暮春勾芒司節和風扇物弓燥手柔草淺獸肥于族无子丹獵于鄴西終日獲麋鹿九雉无二十後軍南征次曲蠡尚書令荀彧奉使犒軍見余論談之未或言聞君善左右射此實難能余言執事未覩夫項脊口縱俯馬蹄而仰月支也或喜笑曰乃尔余曰將有常徑的有常所雖每發輒中非至妙也若

夫馳平原赴豐草安狡獸截輕禽使弓不虛彎所中必洞
斯則妙矣時軍祭酒張京在坐顧或俱拊手曰善余又好
擊劍閱部多矣四方之法各異唯京師為善余於他戲弄
之事少所喜唯彈碁畧及其功少為之賦昔京師先工有
馬合鄉侯東方安世張公子常恨不得与彼數子者對上
維好書籍雖在軍旅手不釋卷每定省從容上言人少學
則思專長則善於長大而能學字者唯吾与袁伯業耳念
是以少誦詩論及長而備歷吾五經四部史漢諸子百家
之言靡不畢覽所著書論詩賦凡六十篇至若知而能愚
勇而知怯仁以接物恕以及下以付後之良史

大平御覽卷第九十四

皇王部十九

魏烈祖明皇帝

齊王

高貴卿公

陳留王

烈祖明皇帝

魏志曰明皇帝譚都字元仲文帝太子也生而太祖愛之
常令在左右年十五封武德侯黃初二年為齊公三年為
王號曰平原王以其母誅故未建為嗣七年夏五月帝病
篤乃立為皇太子丁巳即皇帝詔太傅三公以文帝典論

刻石于廟門之外青龍見郊之摩陂井中幸陂觀親於是
改元為青摩陂為龍陂二年三月山陽公薨素服舂哀使
持節典護喪追謚山陽公為漢孝獻皇帝葬以漢禮孫權
入居巢湖口向合肥新城又遣將陸議孫詔各將萬餘人
入淮河六月征東將軍滿寵進軍拒之秋七月帝親御龍
舟東征權攻新城將軍張顗等拒守力戰帝君未至數百
里權遁走群臣以為大將軍方子諸葛亮相持未解車駕
可西幸長安帝曰權走亮膽破大將軍必制之吾無憂矣
遂進軍幸壽春錄諸將功封賞各有差八月大曜兵饗六

軍遣使者持節犒勞合肥壽春諸軍行還許昌宮司馬宣
王与亮連圍積日亮數挑戰宣王堅壘不應會亮卒其軍
退還景初元年泰山荏縣言黃龍見荏土於是有司奏以
為魏得地統宜以建丑之月為正月定曆改年為孟夏四
月服色尚黃犧牲用白戎事乘里首白馬建大赤之旗朝
會建太白之旗改太和曆為景初曆其春夏秋冬孟仲季
月雖与正歲不同至於郊祀迎氣初祠蒸嘗巡狩蒐田分
至啓閉班宣時令中氣早晚敬授民事皆以正歲斗建為
曆數之序二年十二月帝寢疾不豫太尉宣王還至河内

帝騎馬召到引入卧内執其手謂曰吾疾甚以後事屬君
其手爽輔少子吾得見君無所見恨矣宣王頓首流涕
即日帝崩于嘉福殿年三十六葬高平陵

魏書曰帝生數載而有岐嶷之姿武皇帝異之曰我基於
爾三世矣每朝讌會同与侍中近臣並列帷幄好學多識
特留心於法理容止可觀望之儼恪即位之後容受直言
德受吏民士卒上書一明之中至數十百封雖文辭鄙陋
猶覽省究意無厭倦

又曰青龍三年起太極諸殿築摠章觀高十余丈建翔鳳
於其上又於方林園中起波池擢越歌又於列殿之北
立八坊諸才人以次第序處其中貴人夫人已上轉男附
焉其秋名擬百官之數帝常遊宴在内乃遷女子知書可
附信者六人以為女尚書史典省外奏事處分當畫可自
貴人以下至尚保及給夜庭洒掃習其歌者各有千數通
引穀水過九龍泉玉井綺蘭蟾蜍含受神尤吐出使博士
馬均作司車水轉百虛歲首建臣獸魚尤曼延弄馬倒騎
如漢西京之制築閭闔諸門外杲音浮愚音思太子舍人張茂
以吳蜀數動諸將出征而帝盛興宮室畜意於玩飾賜与

無度帑藏空竭乃上書諫之

魏氏春秋曰魏明帝天姿秀出立髮委地口吃少言而沉
毅好斷初諸公受遺輔導帝皆以方位處之政自己出而
優禮大臣開容善直雖犯顏極諫無摧戮也其君人之量
如此之諱言不思建德垂風固維城之基至使大權偏據
社魏無衛悲夫

魏畧曰明帝欲平北邙今登臺見孟津辛毗諫曰若九河
溢涌洪水為害丘陵皆夷河以禦之帝乃止

魏末傳曰初帝為平原王母甄后妃妬文帝殺之故不立
為太子嘗從帝獵見鹿子母帝射殺鹿母召明帝射鹿子
明帝曰陛下已殺其母臣不忍殺其子因涕泣文帝即放
弓箭以此深奇之而建樹之意定矣

齊帝齊王芳

魏志曰齊王諱芳字蘭卿明帝無子養五及秦生詢宮省
事祕莫有知其所由來者

魏氏春秋曰或三
任成王潛子也

青龍三年立

為齊王景初三年正月明帝病甚乃立為皇太子是日即
皇帝位二月西城重譚獻大浣布詔大將軍太尉試以示
百僚帝加元服賜群臣各有差大將軍司馬景王將謀齊

帝以聞皇太后太后今日皇帝芳春秋已長不親萬機耽
淫內寵沉漫女德曰延倡優縱其醜語曰六宮家人留止
內房毀人倫之叙亂男女之節恭孝曰虧悖傲溢甚不可
以承天叙奉宗廟遣芳歸藩于濟以避重位是日遷居別
宮時年二十三使者持節送衛營齊王宮於河內之重門
制度皆如藩國之禮

魏畧曰景王將廢帝遣郭芝入白太后后与帝對坐芝謂
帝曰大將軍欲廢陛下立彭城王據帝乃起去太后不悅
芝曰太后有子不能教令大將軍意已成又勤兵在外以

備非常但當從音將復何言太后曰我欲見大將軍口有
所說芝曰何可見耶但當速取璽綬太后意折乃遣傍御
東璽綬着坐側之出報景王景王甚懼又遣使者授齊王
印綬當出就西宮帝受命遂載王軍与太后別垂涕始從
太極殿南出群臣送者數千人太尉司馬字悲不自勝餘
多流涕王出後景王又使使者請璽綬太后曰彭城王我
之季也今未立我當何之且明帝當絕嗣乎吾以為高貴
鄉公睿文皇帝之長孫明皇帝之弟子於禮小宗有後太
宗之義其詳議之景王乃更召群臣以皇太后令示之乃

定而高貴鄉公是時太常以祭二日待璽綬於溫事定有請璽綬太后令曰我見高貴鄉公小時識之明日我自歆璽綬手授之

魏世譜曰晉受禪封齊王為邵陵公年四十三太始十年薨謚曰厲公

齊帝高貴鄉公

魏志曰高貴鄉公諱髦字彥士文帝孫東海定王彬子也正使吾年封郟縣高貴鄉公少好學夙成齊王廢鄉公議立公十月公至於玄武館群臣奏請舍前殿公以先帝旧

處避止西廂群臣又請以法駕迎公不聽丙寅公入於洛陽群臣迎拜西掖門南公下与將答拜賓者請曰議不拜公曰吾人臣也遂答拜至山車門下与左右乘与入公曰吾被皇太后微末知所為遂步至太極東堂見於太后是日即皇帝位有德倍位者欣欣焉甘露元年夏四月辛太學問諸儒曰聖人幽贊神明仰觀俯察始作八卦後聖重之為六十四立爻以極數凡斯大義罔有不備而夏有連山殷有歸藏周曰周易易之書其故何也易博士淳于俊對曰庖犧因燧皇之圖而制八卦神農演之為六十四黃

帝堯舜通其變三代隨時質文各絲其事故易者變易也
名曰連山似山出納雲氣連天地也歸藏者万物莫不歸
藏於其中也帝又曰若使庖犧曰燧皇而作易孔子講尚
書何以不云燧人氏沒庖犧氏作乎不能答講易畢復命
講尚書帝問曰鄭玄云稽古同天言堯同於天也主蕭云
堯舜考古道而行之三義不同何者為是博士于俊對曰
先儒所執各有乖異臣不足以知之然洪範稱三人占從
二人言賈馬及蕭皆以為舜考古道以洪範言之蕭義為
正帝曰仲尼言唯天為大唯堯則之堯之夫美在乎則天

舜考古道非其至也今莽篇義以明聖德而舍其大更稱
其細豈作者之意耶俊對曰臣奉尊師說未喻大義至於
文質折中裁之聖愚優命講禮記帝問曰太上立德其次
務施執為治何由而教化各異皆修何政而能政於立德
施而不報乎博士馬昭對曰太上立德謂三皇五帝之世
以德化民其次施報謂三五之世以禮為治也常曰二者
教化薄厚不同將主有優劣耶時使之然乎昭對曰誠田
時有漢文故化有薄也厚帝幸辟雍會命群臣賦詩侍中
和通音由尚書陳騫等作詩賦稽留有司奏免官詔曰吾以

闇昧愛好文桂廣延詩賦以知得失而乃爾紛紜良用反側其原道等二者宜勅自爾已後群臣皆當翫習古意脩明典祿朕意焉魏氏春秋曰公神明爽雋德音宣朗罷朝景王私曰上何如主也鍾會對曰方同陳思武類太祖景王曰若如卿言社稷之福也甘露元年二月帝譙群臣於太極東堂与侍中荀顛尚書崔贊袁亮鍾毓中帝令虞松等並講述礼等典遂言帝王優劣之差達窻顛有立曰問顛等曰有夏既衰后相殆滅少康收集夏衆復禹之績漢高祖放起壠畝驅師豪雋芟夷秦項包舉宇內斯二主可

謂殊才異略會世大賢者也考其功德誰宜為優顛等對曰夫天下重器王者天授德應期門然後能受命創業至於階綠前緒与後日績造之与固难易不同少康功德雖美猶不中与之君与漢世祖固流可也至如高祖臣等以為優帝曰自古帝王功德言行互有高下未必創業者皆優紹繼者咸劣也湯武高祖雖俱受命賢聖之分所覺懸殊少康殷宋中興之美夏啓周成守文之盛論德校實方諸漢祖吾見其傳未聞其劣顧所遇之時殊故所名之功異尔少康生於滅亡之後降為諸侯之隸崎嶇逃難僅此

身免能布其德而兆其謀卒滅過戈克復禹績祀祭配天
不失旧物非至德弘仁豈濟斯勲漢祖因土崩之勢伏一
時之權專任智力以成功漢行事動靜多為聖儉為人乎
則數危其親為人君則囚繫賢相為人父則不能衛子身
沒之後社稷幾傾若于少康易時而處或未能復大禹之
績也推此言之宜高夏康而下漢祖矣

漢晉陽秋白帝見成權日去不勝其忿乃召侍中王沈尚
書王經散騎常侍王業謂曰司馬昭之心路人所知也吾
不能坐受麻辱今日當与卿自出討之王經曰昔魯昭公

不忍季氏敗走失國為天笑今權准其門久矣朝廷四方
皆為之致死不顧逆順之理非一日也且宿衛宮闕兵甲
寡弱陛下何所資用西一旦如此無乃欲除疾而更深之
耶禍殆不測宜見重許帝乃出懷中板投地曰行天矣正
使何所恨况不死耶於是人白太后况業奔走告文王為
之備帝遂僮僕數百鼓譟而出文王弟也騎校尉佃音入
遇帝於東止車門左右呵之佃眾奔走中護軍賈克又逆
帝戰於南關下帝自斂揮眾欲退太子舍人成濟問克曰
事急矣當云何克曰今日之事無所問也濟即前刺帝刃

出於背文王間大驚自投於地曰天下其謂我何太傅孚
奔往枕帝服而哭哀甚殺陛下者臣之罪也葬高貴卿公
于洛西北三十里屈澗之濱下車數乘下設旌旒百姓相
聚而觀之曰是前日所殺天子也或掩面而泣悲不自勝
帝王世紀曰高貴卿公為太子舍人成濟所害年二十以
公禮葬之

陳留王

魏志曰陳留王諱英字景明武帝孫燕王字之子也甘露
三年封安次縣常道卿公高貴卿公卒公卿議迎立公六

月入于洛陽即皇帝位於太極殿前大赦改元四年詔代
蜀命征西將軍鄧艾督帥諸軍趣甘松沓中雍州刺史諸
葛緒督諸軍趣甘松武督高樓首尾躡討若擒姜維便當
東西並進掃滅巴蜀也又命鎮西將軍鍾會由駱谷伐蜀
所至克十一月蜀主劉禪降巴蜀皆平咸熙二年命晉王
冕十有二旒建天子旌旗進王妃為王後世子為太子八
月相國晉王薨太子炎紹封襲位愍攝百揆十二月禪位
於晉改次於金墉城而終館于鄴時年二十在位六年
帝王世紀曰陳留王即位禪晉陳留王就國治鄴奉魏宗

祀魏世譜曰晉封帝為陳留王年二十八太安元年崩謚曰元皇帝

魏士評曰古者以天下為公唯賢是與後代世位立子以嫡若胤嗣不繼則宜不旁親明德若漢之文宣者斯不易之常准也明帝既不能然情繫私愛撫養嬰孩傳以大器托付不專必叅枝於終其曹爽誅夷齊三替位高貴公才思夙成子問尚辭亦文帝之風流也然輕躁肆忿自陷大禍陳留王恭已南面宰輔執政仰遵前式揖讓而禪遂饗封大國作賓于晉比之山陽班寵有加焉

太平御覽卷第九十四

太平御覽卷第九十五

皇王部二十

西晉宣帝

晉書曰宣帝諱懿字仲達河內溫縣孝敬里人姓司馬氏其先出自帝高陽之子重黎為夏官祝融歷唐虞夏商世序其職及周以夏官為司馬其後程伯休父周宣王時以世官尅平徐方錫以官族因而為氏楚漢間司馬昂為趙將諸侯伐秦秦王立為啟王都河內漢以其地為郡子孫

遂家焉自昂八世生御西將軍鈞字叔平鈞生毅章太守
量自公度量生穎川太守雋字元異雋生京兆尹防字建
公帝即防之第二子也少有奇節聰明多大畧博學洽聞
伏膺儒教漢末大亂帝慨然有憂天下心南郡太守同郡
楊俊有知人鑒見帝未弱冠以為非常之器尚書清河崔
琰与弟兄即善亦為郎曰君弟聰亮明允剛斷英時非子
所及也漢建安六年郡舉上計遂魏武帝為司空聞而辟
之帝知漢運方微不欲屈節曹氏辭以風痺不能起居魏
武使人夜往密刺之帝堅卧不動及魏武為丞相又辟文

學掾勅行者曰若復盤桓便收之帝惧而就職於是使与
太子遊處遷黃門侍郎轉議郎丞相東曹屬尋轉主簿魏
國既建遷太子中庶子每与大謀輒有奇策為太子所信
重与陳群吳質朱鑠號為四友遷為軍司馬言於魏武曰
晉箕子陳謀以食為首今天下不耕而食者蓋二十余萬
非經國遠籌也雖戎甲未卷自宜且耕守魏武納之於是
務農積穀國用豐贍及魏武薨於洛陽朝野危惧帝綱紀
喪事内外肅然乃奉梓宮還鄴魏文帝即位封河津亭侯
轉丞相長史魏文受漢禪以帝為尚書頃之轉督軍御史

中丞封安國卿侯黃初二年督軍官罷遷侍中尚書右僕射五年天子南巡勸兵吳疆帝留鎮許昌改封尚帝侯轉撫軍大將行軍郎門令罷爽義訓吏兵各以本官侯就第若稽留車騎以軍法從事臣輒立疾將兵詣洛水浮橋伺察非常爽不通奏留車騎宿伊水南伐樹為鹿角并屯兵數千人以守桓範果勸爽奉天子幸許昌傳徵徵天下兵爽不能用而夜遣侍中許允尚書陳泰請帝以觀望風旨帝數其過失事止免官泰還以報爽勸之通奏帝又遣爽所信殿中校尉尹大目詣爽指洛水為誓爽意信之桓範

等援引古今諫說萬端終不能從乃曰司馬公正當欲奪吾權耳吾得其侯還第不失為富家翁範拊膺曰坐卿戚吾族矣遂通帝奏既而有司刻黃門張當并并爽与何晏等反事及收爽兄弟及黨与何晏丁謚鄧颺畢軌李勝桓範等誅之二月天子以帝為丞相增封八縣邑二萬戶奏事不名讓丞相冬十二月加九錫之礼朝會不拜固讓九錫二年春正月天子命帝立廟于洛陽帝以九月疾不任朝請每有大事天子親幸第以謚訪焉三年天子使兼大鴻臚太僕庾嶷持節冊命為相國封安平郡公固讓不受

六月帝寢疾八月崩于京師時年七十三帝受禪上尊號曰宣皇帝陵曰高原廟稱高祖

虞預晉書曰上雖服膺文藝似儒素立德而雅有雄霸之量值魏氏短祚內外多難謀而鮮過舉必獨克知人拔善顯外反陋王基鄧艾周秦賈越之徒皆起自寒門而著績於朝經畧之才可謂遠矣

異苑曰晉宣帝誅王陵後寢疾曰見陵逼帝呼曰彥雲彥陵字也雲之緩我身上便有打處賈陸亦為崇少日遂薨初陵既被執過賈逵廟呼曰賈梁道曰王陵魏之忠臣唯爾有神

之知故逵助焉及永嘉之亂有覓見帝涕泗云家國傾覆是曹爽夏侯玄訴怨得伸故也爽以勢族致誅玄以時望被戮

